

МЕСЯЦА ДЕКАБРЯ В 22-Й ДЕНЬ

**Предпразднство Рождества Христова,
и святых великомученицы Анастасии
Фармаколитрии,
еже есть Узорешительницы**

**На Господи, воззвах: стихиры предпразднства 3
и святых 3.**

Стихиры предпразднства, глас 1.

Подобен: Всехвальнии мученицы

**Земля вся, зрящи / Божие снизхождение,
веселится: / волсви дары Мне приносят,
Небо свыше вещает звездою, / Ангели сла-
вят, / пастырие, свиряюще, дивятся, / ясли
подъемлют, / якоже престол Мя огнезрачный.
Радуйся, Мати, сия видящи.**

**Свет во откровение языков / пришел еси, обло-
жимь Моего зрака подобием, / Сыне Мой Безна-
чальне, / Отца Пребезначальнаго / несказанное
рождение, / обогатити бо грядеши / обнищавшее
человечество нищетой, / еюже обложимь еси,
воспеваю, Господи, Твое благоутробие.**

**Яко Младенца Мя зрящи, / на Твоих почивающа,
Мати, дланех, возвеселися: / приидох бо болезнь
всю отъяти Адамову, / юже пострадал злейшим
советом змия, / древле вкусив, и сладости вне быв
райския, / и растлився.**

Ины стихиры святыя мученицы, глас 8.

Подобен: Чтó вы наречём:

Мíра красных пренебрéвши / и к сим плóти твоея не пощади́вши, честна́я, / всю вдала́ еси́ себе́ самую́ служи́ти боголе́пно святы́м, / во страда́ниях терпели́вейше, / гной о́ных отира́ючи / и к му́же-ству му́дрейше / словесы́ му́дрыми укрепля́ючи, / моли́ е́же спаст́ся душам на́шим.

Бога́тство тре́бующим расточи́ла еси́ привре́менное, честна́я, / ве́чнующаю те́пле взыску́ючи / и Христо́вым стопа́м Божество́нным / неукло́нною ве́рою послéдующи, и вопи́яше: / уязви́хся Твои́м желáнием, Безсме́ртне, / Твои́х страда́ний сообра́зну мя / и сла́вы Божество́нная соприча́стницу покажи́, / я́ко Щедр и Человеколю́бец.

Страсть претерпе́вши блаже́нную, / стра́сти на́ша, Анастаси́е, и́стинно омы́ваеши / струя́ми врачевáний твои́х пр́сно. / Тем ты по до́лгу блажи́м, / и любóвию прáзднуем па́мять твою́, / и покланя́ем-ся моще́м, свяще́ние почерпа́юще. / Моли́ спаст́ся душам на́шим.

Сла́ва, святы́я, глас 2:

Воскресе́ния дар при́яла еси́, / Анастаси́е всехва́льная, / пострада́вши на суди́щи: / де́монов бо мно́жество погуби́вши, / мо́рю предала́ еси́, стра-стонóсице, / му́ченице досточу́дная.

И ны́не, предпра́зднства, глас 4:

Вифле́еме, украша́йся, / воспóй, гра́де Сиóне, ра́дуйся, пусты́не, предобруча́ючи ра́дость: / звезда́ бо предъидет в Вифле́ем, / возвеща́ючи хотя́щаго роди́тися Христа́, / и верте́п прие́млет Невместима́го все́ми, / и я́сли гото́вятся восприя́ти Жизнь ве́чную. / Тому́ вси воспóйм и возопи́им: / спаси́ ду́ши на́ша, Иису́се Бо́же, / воплоти́выйся нас ра́ди.

На стихо́вне стихи́ры, глас 2.

Подобен: До́ме Евфра́фов:

Грядёт Христо́с / лука́ваго сокруши́ти, / су́щия во тьме просвети́ти / и разреши́ти связа́нные, / преду́срящим Того́.

Стих: Бог от юга придет / и Святы́й из горы приосененныя чаши.

Лику́й, Сио́не, / верте́пе, благоукра́сися, / Вифле́еме, гото́вися: / се бо Де́ва / роди́ти Христа́ грядет.

Стих: Го́споди, услы́шах слух Твой и убоя́хся; / Го́споди, разумéх дела́ Твойя́ и ужасо́хся.

Воспо́йте, оте́чества язы́ков, / хвалу́ и сла́ву, / волсв́и с да́ры, / па́стырие, свира́юще, / усер́дно потщи́теся.

Сла́ва, святе́й, глас 4. Студи́тово:

Живонóснаго востáния Христо́ва тезоимени́тна б́вши, / честны́м жительством зва́нию преизя́чно последовала еси́ / и, естество́ укрепльши, / вму́жившися же мудровáнием, / червлени́цу истка́ла еси́ обагрéнием кровей тво́их / и, ца́рски, яко́же скиптр, крест держа́щи, / Бо́гу и Спа́су сца́рствуеши, Анастаси́е всеблаже́нная. / Того́ моли и нас облистáти Божéственною сла́вою Его́.

И ны́не, глас то́йже:

Иса́ие, лику́й, Сло́во Бо́жие восприéм, / прорцы́ Отрокови́це Мари́и: / купинé горéти и огнём не сгарáти зарéю Божества́. / Вифле́еме, благоукра́сися, / отвéрзи врата́, Еде́ме, / и волсв́и, идите́ видети́ спасéние, в я́слех повивáемое: / Его́же звезда́ показá верху́ верте́па, Жизнода́вца Го́спода, / спаса́ющаго род наш.

Тропа́рь, глас 4:

Победонóснаго Воскресéния / истинноимени́тая наречéна еси́, мучени́це Христо́ва, / победы́ на враги́ поста́вила еси́ мук терпéнием, / Христа́ ра́ди, Жени́ха твоего́, / Его́же возлюби́ла еси́. / Того́ моли́ / спасти́ ду́ши на́ша.

Сла́ва, и ны́не, предпра́зднства, глас то́йже:

Гото́вися, Вифле́еме, / отвéрзися всем, Еде́ме, / красуйся, Евфра́фо, / яко́ древо живота́ в верте́пе процветé от Де́вы: / рай бо Оно́я чре́во я́вися мы́сленный, / в нёмже Божéственный сад, / от него́же я́дше, живи́ будем, / не яко́же Ада́м умрем. / Христо́с ражда́ется пре́жде па́дший возста́вити о́браз.



НА ПОВЕЧЕРИИ

Канон, глас 6. Егоже краегранесие: Великаго четвёртка́ долгую песнь пою. Ирмос по дважды, тропари на 6 и паки ирмос на сходе.

Песнь 1

Ирмос: Сеченое, сечётся / море Чермное, / волнопитаемая же изсушается глубина, / та яже купно безоружным бывши проходима / и всеоружным гроб. / Песнь же Богокрасная воспевашеся: / славно прославися Христос, Бог наш.

Всевиновная и вседержительная Жизнь, безмерная Мудрость Божия, / созда дом Себе от Чистой Неискусомужныя Матере: / храмом бо телесным обложився, / славно прославися Христос, Бог наш.

Тайноводящи волхвы, созывает начаток Божия Мудрость от языков, / безсловесныя прежде напитати таинственно, / в безсловесных яслех трапеза лежит тайная: / к нейже тщатся, с дарми путешествующе, звезде предсияющей.

Да услышим ныне пророческия, исполняемая Духом, гласы: / Дева бо, приемши во чреве, приходит Пресущественнаго родити; / Егоже волхвом убо небо показа, пастырем же Ангели, / яко Младенца носима.

Песнь 3

Ирмос: Господь, Сый, всех и Зиждитель Бог, / созданное, Безстрастный, обнищав, Себе соедини / и яко Младенец, носимь плотию, / в яслех убогих поклоняемь бываает, / ядите, — вопия, — Тело Моё / и верою утвердитесь.

Избавление за мир истощити ныне Свою Кровь Христа грядуща, / Ирод свирепствует убитьи прежде времени, / неистовствуя прежде неистовства Пилатова: / темже убийственным суровством младенец множество заклá.

Безумен муж рече: / несть Бога. / Иже неистовства исполнився конечнаго, христуубийством недугует, / разума же дерзостию отпад, / ко убиению младенец неискусозлобных всего себе вооружит / и землю осквернит кровьюми.

Песнь 4

Ирмос: Провидев пророк / тайну Твою неизреченную, Христэ, провозгласи: / положил еси твердую любовь крепости, Отче Щедрый, / Единородного бо Сына, Благий, / очищение, в мир послал еси.

На руно, яко дождь, низшед, / и, якоже капля, на землю, на Рождшую Тя, Господи, / грядеши милостивно родитися и с человеки пожити: / Единородного бо Тя, очищение, Отец в мир послал.

Приобщаешися человеческия, Христэ, плоти от семене Авраамля, / и благодать вместо благодати грядеши подати, / и спасти образ, и обезтлити; / Единородного бо Тя, очищение, Отец в мир послал.

Питие новое, еже древле пити Давид, жаждая, возжелэ, / в вертепе происходит источитися Вифлеэмли / и уставити прибывшую душевную жажду, Адамову же и Давидову, / из нихже по плоти раждается Христос.

Песнь 5

Ирмос: Союзом любви связүеми яко братолюбцы, / Владүщему всіеми, мир зело Возлюбівшему, / и Давшему избавление Сына Возлюбленного, / дадим славу Даүщему всем мир.

Неодержимую держащая и превыспреннюю на воздухе воду, / бездны обуздавающая и моря востязующая Божия Премудрость, / яко дождь, на руно низшедши, вселіся во утробу Девы.

Ученики волхва Валаама волхвы зовёт к разуму звездю Христос, / облаки же небо одеваая, пеленами повивается / и в яслех возлежит, Егоже трепещут Херувими, / в вертепе же вмещается исполняя вся.

Песнь 6

Ирмос: Бездна последняя грехов обыде мя, / и, волнения не ктому терпя, / яко Иона Владыце, вопию Ти: / от тли мя возведи.

Господа ведяще Тя, небеса поведают Твою славу, Спасе, / звездю волхвы ныне с дары

призывающе к познанию Твоему / и Божественному поклонению.

Скверну кто оттер, да отвержет / и тако Христу чист Чистому да прикоснется Младенцу, / в яслех лежащу и глубину сердец очищающу.

Песнь 7

Ирмос: *Отроцы в Вавилоне / пещнаго пламене не убояшася, / но, посреде пламене ввержени, орошатели, пояху: / благословен еси, Господи, Боже отец наших.*

Зыбля главою, Ирод, злая провидя, подвижеся, благовремения ища, / умертвити жизни и смерти Бога, / иже всех есть Господь и Владыка твари.

Елицы вас, Христовы друзи, бегайте с бегаящим в Египет / и, сему добре поклоняющеся, боголепно воззовите / и согласно прославите.

Иже кто со Мною несть, на Мя деет, Христос глаголет, / не собираяй же со Мною расточающему уподобися. / Темже сего убоимся плотскаго низшествия.

Песнь 8

Ирмос: *За законы отеческия / блаженнии в Вавилоне юноши предбедствующе, / царюющаго оплеваша повеление безумное / и, совокуплени, имже не сваршася огнем, / Державствующему достойную воспеваху песнь: / Господа пойте, дела, / и превозносите во вся веки.*

Питомцы Богомудрии, в Вифлеем Слово предшедшии, / со Ангелы узрим и пастырьми чудо, / Сущему в Вышних славу возсылающе Богу, / благоволение дающему человеком и мир: / Господа пойте, дела, и превозносите во вся веки.

Закона любви держащеся, братолюбия изволение да восприимем, / с друг други мирствующе и едино смудрствующе: / мира бо Податель приходит Христос, / умиряяй всяческая и спасая зовущия: / Господа пойте, дела, и превозносите во вся веки.

Вместо Славы припев: **Благословим Отца и Сына и Святаго Духа, Господа.**

Почитаёт лѣстными словесы раждающагося Христа Ирод беззаконный / и к волхвѣм приклоняшеся, яко и сам бо поклонится; / но не стыдяшеся, гоня тайщагося Христа, / ни младенцев ущедрити и вопити не разумѣ: / Господа пойте, дела, и перевозносите во вся вѣки.

Таже поём оба лика вкупе:

Хвалим, благословим, поклоняемся Господеви, / поюще и перевозносяще во вся вѣки. **И поём ирмос:** За законы отеческия:

Песнь 9

Ирмос: Странствия Владычня / и Безсмертныя Трапезы / во убозем вертепе высокими умы, / вернии, приидите, насладимся, / воплотившееся Слово неизреченно уведевше, / Егоже величаем.

Идите,— начальником Ирод рече волхвѣм,— / поищите Отрочате; / егда же обрящете Сего, ми скоро возвестите, / леств в сердца кознствуя; / но обличен бысть прелестник, вотще беззаконнуй.

Содетель, рождейся от Отца прежде веков, раждается от Девы, / мудрость Сый Слово Божие и сила. / Темже единого Сына ведяще, Богочеловека Господа величаем.

Яко человек явился еси существом, не мечтаем, / тако Бог нравом воздаяния, естеством, Спасе, еже приял еси. / Темже, от Девы Божественное пришествие Твое чтуще, величаем.

Посём ирмос и поклон.



НА УТРЕНИ

По 1-й стихологии седален, глас 1.

Подобен: Камени запечатану:

Просветися тварь, / Зиждитель бо предгрядет родитися в вертепе за неизреченную милость. / Пастырие, срящите со тщанием, зряще чудо страшно. / Приидите, волсви, дары руками держаще и глаголюще: / слава рожденному Царю, / слава путеводствовавшему ны. / Сему, яко Царю всех, поклонимся плотию.

Слава, и ныне, глас 4.**Подобен:** Скоро предварі:

Божественне веселится тварь вся днесь: / Христос бо Господь, Божий Сын, из Девы раждается Чистыя, / весь род человек обезсмертствуя, / разрешая же клятву праматере Евы. / Тем яко Благодетелю нашему пение принесем.

По 2-й стихологии седален, глас 6.**Подобен:** Упование мира:

Из Персиды царие злато, смиру и ливан рожденному Царю и Богу принесоша древле, / мы же ныне, предпразднующе Рождество Его, / благочестномудренне от души надежду, веру и любовь принесем Ему, / Деву поюще.

Слава, и ныне, глас 3.**Подобен:** Дева днесь:

Деву, раждающую Превечное Слово, / Иосиф праведный песнословя, вопияше: / видю Тя, бывшую храм Господень, / носящую вся человеки спасти пришедшаго, / и воспевающия Того за милосердие, Божественныя храмы показующаго.

Канона два: предпразднства на 8, и святыя на 6.
Канон предпразднства, глас 6.

Песнь 1

Ирмос: Яко по суху, пешествовав Израиль / по бездне стопами, / гонителя фараона / видя потопляема, / Богу победную песнь поим, вопияше.

Из девственного облака великое нам возсия солнце, Иисус Просвещение, / сущии во тьме поем Ему, / озаряеми светло Сего сияньми.

Языков чаяние, Царь мира грядет ратника убить. / Срести потщимся Того, / раждаема в Вифлееме на спасение наше.

Пророчестии совершаются Божественнии гласи, / страшное явление прознаменовавше Христово: / Агница бо приближается родити Агнца / и Избавителя и всех Господа.

Богородичен: Тя, Чистую Владычнюю голубицу, / честную, и непорочную, и добрую в женах, / яко всех рождшую Бога, ублажаем верно, Богоблаженная.

**Канон святѣя, глас 8, егѣже краегранесие: Пою
тя, мученице Анастасіе, любѣвию. Иѣсиф.**

Песнь 1

Ирмос: Песнь возслѣм, людіе, / чудному Бѣгу
нашему, / свободившему Израіля от работы, /
песнь побѣдную поюще и вопиюще, / поим Тебѣ,
Единому Владыце.

Пѣние возслѣм Бѣгу, / родитися хотящему плѣ-
тию из Дѣвы в Вифлеѣме граде / и в яслех
положитися Отрочати, яко младенцу, / да спасѣт
человѣческий род.

Единыя вожделенныя Христовы, Анастасіе
славная, доброты ищущи, / претекла еси доброты
мирскія твердостію нрава / и безсмертнаго насле-
дія, мученице, сподобилася еси.

Ночь лѣснаго омраченія, просвѣщеніем Духа
озаряема, честная, / претекла еси смысленне / и
ныне вселилася еси, идеже есть Божественное
сияніе Несозданныя Троицы.

Богородичен: Явился невидимый Бог, преесте-
ственно раждаемъ, / за благоутрѣбие многое из
Тебѣ, Дѣво Мати, обнищав, богатый, / яко да
безсмертіемъ человѣческий род обогатит.

Песнь 3

Ирмос: Нестъ свят, / якоже Ты, Господи Бѣже
мой, / вознесый рогъ вѣрныхъ Твоихъ, Блаже, / и
утвердивый нас на камени / исповѣдания Твоего.

Словомъ прострый небеса, входит в вертеп / и в
безсловесныхъ восклонитися яслехъ Христосъ, / без-
словесія нас за милосердіе хотя избавити.

Вопиет пророкъ явственнно: / Бог наш Сей, не
вменится убо ин кто к Немю. / Изобрете всякъ путь
художества, человекомъ соединився.

Не терпит зрѣти Херувимъ, / и како стерпят Тя
ясли, невместимаго естествомъ, / за милосердіе
многое раждаема нас ради от Дѣвы, / Господи
Человеколюбче?

Богородичен: Провидя Тя гору иногда Даниилъ
пророкъ, / из неяже камень отсечеса, Богородице, /
требища идольскія истнив и разорив, Всечистая
Богоневесто.

Ин

Ирмос: Небэснаго кру́га Верхотво́рче, Го́споди, /
и Це́ркве Зиждíteлю, / Ты мене́ утверди́ в любви́
Твое́й, / желáний кра́ю, ве́рных утвержде́ние, /
Еди́не Человеколю́бче.

Пелена́ми повива́емый Младене́ц, неосяза́емый
Госпо́дь, / хо́чет ви́ден бы́ти, в я́слех возлежа́й; /
го́ры, възгра́йте, и ра́достию Божество́нною, хо́л-
ми, облецы́теся, / све́та исполня́еми.

Благоче́стным дерзнове́нием гонíteлей приту-
пи́ла еси́ разжже́нных глаго́л стрéлы, / спасíteль-
ным Сло́вом обогати́вшись, Анастаси́е, / и Божé-
ственною любóвию двизáния душе́вная управив-
ши.

То́чию, мучени́це, вопия́ла еси́: / ищú Го́спода, к
еди́ной Того́ любви́ дúшу привяза́х, / Сего́ осия́ти-
ся чистей́шими богáтно блиста́ньми иду́, / обы́чая
простото́ю.

Богородичен: Неискусобра́чная Отрокови́це, /
руко́ю нося́щаго всю тварь во утробе́ но́сиши,
воплоща́ема, / Егóже и ражда́ема восклоня́еши в
я́слех, / младенца́ зрима́ Превéчнаго.

Конда́к предпра́зднства, глас 3.

Подóбен: Де́ва днесь:

Де́ва днесь Превéчное Сло́во / в верте́пе грядёт
родíti неизрече́нно; / лику́й, вселénная, услы́-
шавши, / просла́ви со А́нгелы и па́стырьми хотя́-
щаго явítися / Отрочá Младо́, Превéчнаго Бо́га.

Йкос:

О, ужáснаго войстинну́ и па́че сло́ва чудесé! /
Е́же бы́ти дай́ всем ра́ди блага́сти / во чре́во
Святы́я Де́вы вни́де, / и в верте́пе родítiся грядёт,
и в я́слех положítiся. / Звезда́ же Сего́ проповеду́-
ет свýше волхво́м, / иду́щим на поклонéние Егó с
да́ры, изда́леча привлчáщи, / со тцáнием послé-
дующия Вала́ама прорече́нию, ре́кшаго: / звезда́
хо́чет провозвестíti Отрочá Младо́, Превéчнаго
Бо́га.

Седáлен, глас 1.

Подóбен: Гроб Твой, Спа́се:

Я́ко невесту́ ты Христо́ву восхваля́ем, де́во, / я́ко
Фéклу честну́ю досто́йно почита́ем. / Те́мже и в

памяти твоей проливаются реки исцелений: / ты бо прияла еси благодать, / яко хранящи заповеди Господни силою Духа.

Слава, и ныне, предпразднства, глас 8.

Подобен: Повеленное тайно:

Рождества Христова предпразднственная совершающе, / вернии, торжествуем и достойне вси предусрящим, / яко волсви, дароносяще добродетели, воспети ангельскую песнь новую / от Девы Богоотроковицы в Вифлееме без семени рождшемуся Богу нашему, / Егже славословят всяческая.

Песнь 4

Ирмос: Христос моя сила, Бог и Господь, / честная Церковь / боголепно поет, взываючи, / от смысла чиста о Господе празднующи.

Се возсия звезда издалеча, / яже предвозвестися древле из Иакова; / Человек быв необъемлемый Бог, / и зрится, пеленами повиваемь.

Всех Господь избавление зрится Младенец, в девственных недрах седяй, / иже в недрах Отчих, яко Сын, почиваяй.

Едеме, заключившийся мне окрадением снеди иногда, отверзися: / ныне бо в Вифлееме раждается Облекийся в мя, / отлучивый мя твоего безболезненнаго наслаждения.

Богородичен: Пророк Аввакум Духом провидя Тя, Дево, / гору Божию, добродетельми приосененную, / из неяже явися нам Просвещаяй души наша.

Ин

Ирмос: Услышах, Господи, / смотрения Твоего тайнство, / разумех дела Твоя / и прославих Твое Божество.

Речения уже исполняются прорекших Божественным Духом: / Дева бо идет в вертепе родити Всесовершеннаго.

Мученическое благославие любовью зыскавши, / сего получила еси, твердо пострадавши / несомненною волею, терпеливодушная.

Истканною от свыше благодати ризою истинно одялася еси совлечением тела, / страсотерпице мученице всехвальная.

Богорóдичен: Плотноóсец происхóдит от Твоегó светонóснаго ложесна́, Пречы́стая, / Царь Небéс-ный, / я́ко на престóле, в я́слех возлегй́.

Песнь 5

Ирмо́с: *Бóжиим свéтом Твоём, Бла́же, / ўтреню-ющих Ти дýши любóвию озарй́, молю́ся, / Тя вéдети, Сло́ве Бóжий, / й́стиннаго Бóга, / от мра́ка грехóвнаго взыва́юща.*

Евфра́фов до́ме, Вифлеэ́ме, / Нача́льник изы́дет из тебе́ во Изра́или, / призыва́я язы́ки отрино́вён-ных, / я́коже предрече́, / Дýхом Михе́я озаря́емь.

Па́ствити па́ству Свою́ еди́ный крéпостию Иисýс из Дéвы родит́ся, / до конéц же землй́ возвел́чит́ся, / проро́к Богогла́голивый дрéвле провозвестй́.

Дух премýдрости, Дух Бóжий, / Дух крéпости и сове́та, знания́ же и ра́зума, / Дух Божéственнаго стра́ха / из ложесн Тво́их Сы́на вопло́щшагося, Дéво, испóлни.

Богорóдичен: Ору́жия вся вра́жия, Пречы́стая Всенепоро́чная, Чы́стая, / й́стинно в конéц оскуди́ла еси́: / Ты бо всех Бóга родила́ еси́, / копи́ем низлож́ившаго сегó свирéпство.

Ин

Ирмо́с: *Ўтренююще, вопи́ем Ти: / Гóсподи, спаси́ ны, / Ты бо еси́ Бог наш, / ра́зве Тебе́, ино́го не ве́мы.*

Воссия́ звезда́ Иýдова от землй́ Халде́йския, / двй́жуци на поклонéние звездослóвцы, я́ко писáся.

Закóнно подвизáлася еси́, беззакóнныя побед́ивши, / мýченице всесла́вная, сй́лою Дýха.

Воскресéние Бóжие образýеши тезоименй́тством, / врагй́ прокли́нающи невидимы́я, всехва́льная.

Богорóдичен: **В** верте́пе подзёмнем родит́ся от Дéвы Христóс грядёт, / да веселя́тся вся́ческая.

Песнь 6

Ирмо́с: *Житéйское мо́ре, / воздвизáемое зря напáстей бурею, / к тй́хому пристáнищу Твоемý притék,*

вопию Ти: / возведи от тли живот мой, / Многомилостиве.

Се во Своя приходит Христос, / присвоимся Ему благодатию, добродетельми Божественными, вернии, / и Сего примем, душами и сердцы просвещаеми.

Корень прозябе Иессеев, / и из него прошед Бог наш, / надежда языков, упокоение и честь, / якоже древле прорече Исаия, Божественно просвещаемь.

Пленицы моя разрешая многих грехов пленным повитием, / обогащая же мя, люте злобою обнищавшаго, / Иисусе мой, обнищаваяши воплощаемь.

Богородичен: Обуревает зима сопротивных помышлений смиренное сердце мое / лукавых духов наветами, благолюбивая Владычице: / укроти сию ходатайством Твоим.

Ин

Ирмос: Молитву пролию ко Господу / и Тому возвещу печали моя, / яко зол душа моя исполнися / и живот мой аду приближися, / и молюся, яко Иона: / от тли, Боже, возведи мя.

Естество, еже от нас Благоутробный прием, / видимь есть яко Младенец, зиждай во чреве младенцы, / и повивается, и в яслех возлегает, / и разрешает моих страстей многоплетенныя пленцы благостию.

Святых мученик следящи терпеливно Христа ради подвиги, / и тех потребам служащи, / и гноения, преподобная, отираючи, обогатилася еси пресветло, / тех сияючи благославием.

Капли врачеваний изливаяши тучами Божественных дарований, / и страстей реки воспрятуеши, / и помоществуеши люте бедствующим, всеславная мученице Христова, / Божественнаго Воскресения тезоименитая.

Богородичен: Исцеляя человеческое естество, древним преступлением истлевшее, / без тли нов раждается Младенец / и в Твоих недрах, яко на престоле, сидит, Безневестная, / Отческаго не оставль соседения Божеством.

Кондак, глас 2.**Подобен:** Вѣшних ищѣ:

В о искушѣнних и скорбех сущи, / к твоёму храму притекающе, / приѣмлют честная дарования от живущия в тебе Божественныя благодати, Анастасіе: / ты бо присно миру точиши исцелѣния.

Икос:

Воскресѣнія Христова тезоименита сущи, / падша мя ныне воскресі молитвами твоими, / от чудес твоих каплю искапавши, мученице, души моей / и запалѣнія лютаго грѣха угашающи. / Мир бо спасаеши от страстей многообразных всегда, / ѣмуже и аз искушаемь есмь: / ты бо, всем вся подающи, миру точиши исцелѣния.

Песнь 7

Ирмос: Росодательну ўбо пещь / содела Ангел / преподобным отроком, / халдеи же опаляющее / велѣние Божіе мучителя увещѣ вопіти: / благословѣн еси, Бже отецъ нашихъ.

Всесовершенный раждается, яко Младенец пеленами повиваемь, / и Безначальный от Дѣвы приѣмлет начало, обожити пріятіе искій: / да радуется Небо, и да веселится земля.

Яко царскою багрянницею, обложся плотию, / ныне предгрядет от ложесн Твоихъ міра, Отроковице, Царь, / сокрушивъ враги, яко силен, / и умиравъ нашу бориму бывшую жизнь.

С нами Бог явится, воплоцаемь, / разумѣйте, язъцы противни, / и покоритесь, нашаея удалившиися жизни: / се воззваніе наше, / Младенец в яслех Вифлеѣмскихъ возлещѣ хощетъ.

Богородичен: От всехъ Тя родовъ избрѣ, палату нескверну, / вселивыйся Царь во утробу Твою, Отроковице, / Емуже песнопоем ныне благочестно: / благословѣн еси, Бже отецъ нашихъ.

Ин

Ирмос: Отроцы еврейстии в пещи / попраша пламень дерзновенно / и на росу огонь преложивша, вопіюще: / благословѣн еси, Господи Бже, во веки.

Горнии лица славословят безплотных, / на земли же поклоняемся, зряще, земнии, нам уподобльшагося / и в яслех возлежаща Тя, Христэ, Боже всяческих.

Огнь испепелила еси лестный, якоже дети, пламени приобщившись, / показоваше тепло рачение, Богомудрая, / егоже к твоему стяжала еси Владыце и Жениху.

Тучи проливаеши врачеваний, / уставляючи паление недугов, и люди присно устройеши песнопети: / благословен еси, Господи Боже, во веки.

Богородичен: Чудо, мысль удивляющее, совершаемое в Тебе, Дево Мати: / родити имаши Бога и в яслех восклонити, / Херувимом неприступнаго и неместимаго естеством.

Песнь 8

Ирмос: Из пламене преподобным росу источил еси / и праведнаго жертву водою попалил еси: / вся бо твориши, Христэ, токмо еже хотети. / Тя превозносим во вся веки.

Пророк Богоглаголивых речения ныне исполняшася: / Дева приближается родити Господа. / Вся земля да веселится, ликующи, / и да радуется во вся веки.

Зарями светяся Божественныя благодати, / закона сень уставляя, Светодавец Иисус возсия; / омраченнии, узрите свет велик.

Бывша мя вертеп разбойников, / Господи, рождейся в вертепе, храм покажи Твой, / и Отца, и Божественнаго Твоего Духа, / да славлю Тя во вся веки.

Богородичен: Небесная из чрева Твоего звезда возсия, / звездословцы подвигошася сию видети, / разумом тоя просвещшася Духом, Пречистая Дево, / присно Благословенная.

Ин

Ирмос: Богоглаголивии отроцы, в пещи / со огнем пламень попирающе, пояху: / благословите, дела Господня, Господа.

Емуже предсто́ят горé т́ысящи и т́мы А́нгелов, /
верте́п но́сит ражда́емаго; / Егóже поём дела́
непреста́нно, я́ко Го́спода.

Храм Тро́ицы показáлася есѝ в Божéственнѣх
хра́мех, / моли́твами и пощéнии, Анастасіе, уп-
ражня́ющися, / благослови́те, взыва́ющи, дела́ Гос-
по́дня, Го́спода.

Крепча́йшими словесы́ Хрисого́на, страсотéр-
пице, укрéпльшися, / и́долов немощно́е попрáла
есѝ суровствó, / до́блественне пострада́вши.

Богорóдичен: **О** Боговместі́мая Отрокови́це! /
Роди́ши Младéнца, Творца́ веко́в и неизмéннаго
Го́спода, в Вифле́еме гра́де / за неизрече́нную
ми́лость.

Песнь 9

Ирмо́с: **Бо́га** / челове́ком невозмо́жно ви́дети, / на
Него́же не сме́ют чѝни А́нгельстии взира́ти; /
Тобо́ю бо, Всечѝстая, явѝся челове́ком / Сло́во
воплощéнно, / Егóже велича́юще, / с Небе́сными
вои́ Тя ублажа́ем.

Се всех при́иде воззва́ние, очище́ние, Христóс,
спасéние и си́ла, / сокро́вище многоце́нное крѝет-
ся внутрь верте́па, / имже обогати́вшися, волсви́
зла́то я́ко Царю́ принóсят.

Христóвы па́стырие, побди́те, / и умно́ во град
Вифле́ем прииди́те, / и Бо́гу в вѣ́шних возопѝйте: /
сла́ва и вели́чие благоволи́вшему Младéнцу яви́-
тися нас ра́ди за благостѝню.

Плóтию пелена́ми повива́емъ, / повива́яй мгло́у
зёмлю, песко́м же мо́ре, / соу́з зол моѝх расто́ргл
есѝ и пра́вдою вся связа́л есѝ, / разсла́бленныя
прило́гми борца́.

Богорóдичен: **Черто́же** и престóле Ца́рствующа-
го, / горó Бо́жия, и гра́де избранны́й, / и раю́,
со́лнца о́блаче всесвѣ́тлый, / просвети́ ду́шу мою́, /
о́блак отгоня́щи беззакóний моѝх мно́гих, Богора́-
дованная.

Ин

Ирмо́с: **Воистину** Богорóдицу, / Тя испове́дуем, /
спасéннии Тобо́ю, Де́во Чѝстая, / с Безплóтными
ли́ки Тя велича́юще.

Играйте, горы, в веселии, / и радостию, холми, препояшитесь; / ныне Дева приближается родити Господа.

День веселия приношает ти тварь, Анастасіе, память прославляючи, / Егѡже прослѡвила еси, Слѡва, твоими кровьюми.

Свѣтом чистѣйшим ныне осияема, / молитвами твоими просвещѡтисѡ свѣще всем нам проси, / мученице благодѡрная.

Богородичен: Свѣтло вся тварь ныне да радуется: / Богородица родити грядет от Бѡга Бѡга Слѡва, Человѣка бѣвшаго.

Светилен.

Подобен: Духом во святѡлицѡ:

Хрисогѡну чудному, в темницѡ заключѡну, Анастасіе славная, служила еси / и, сего словесѡм повинувшисѡ, в Бѡзе скончала еси мучѡния течѡние, / от Негоже благодѡть исцелѡний приѡмши, исцѡляѡши недуги.

Слѡва, и ныне, предпразднства. Подобен тойже:

Да радуется Небо, и земля да веселится. / Вертѡпе, просветисѡ, / ясли же, подымите Создѡвшаго человека рукою яко Младѡнца, раждающасѡ от Дѡвы. / Ангелѡв мнѡжество, возопійте ясно: / слава Бѡгу в Вѣшних.

На хвалитѡх стихѡры на 4, глас 6.

Подобен: Ангельскія предъидите:

Ныне дрѡвняя разрешѡются явлѡния, / приѡт бо во утрѡбе Дѡва, / ибо камень из горы отсечѡся, / и жезл прозябѡ Иссѡев, / и росѡ ныне Гедеѡнова на землѡ пролиѡся. / Людиѡ, возопіѡм: / Царь Израилев, Христѡс прихѡдит.

Страннаго Рождествѡ странны вѡщи видѡтсѡ: / како в Вѣшних Отцѡ соседѡй / в яслѡх безсловѡсных, восхѡтѡв, восклонѡется? / како Неосязѡемый в пелѡнах? / како вездѡ Сый в вертѡпе? / Людиѡ, возопіѡм: / Царь Израилев, Христѡс прихѡдит.

Иже чудесѡ Творѡй, / и Егѡпта уязвляѡ, / одождѡя людем неразумным манну, / воплощѡется и млекѡм питѡется, / и Отрѡчѡ зрѡмо бѡгает гонѡтеля Йрода, / яко на ѡблаце, Дѡвою Мѡтерию носѡмь, / яко Исѡия прозрѡ Боговиднейший.

**Отроча, прѣжде Сый Царь веков, / раждается
вольно, / и Сын нам дадѣся, / услышите, язѣцы,
Израилю, внуши. / Разумѣйте и покарайтесь: / с
нами бо, Иже истнит и разорит от земли / всякое и
царство, и начальство, иже Егo не послушаша.**

Слава, подобен тойже:

**Жезломъ желѣзнымъ упасенъ будеши, иудее, / яко не
покоривыйся и пророкомъ не веруяй: / Сыну бо
рождшуся Отецъ наследие даетъ язѣки / и одержаніе
земли всея, / тебѣ же отрѣнетъ скверноубий-
ственне, / вопити бо не повинѣешися: / Царь Изра-
илев, Христосъ приходитъ.**

И ныне, подобен тойже:

**Взыграй, Давиде, / изъ чреселъ бо твоихъ Христосъ; /
радуйся, Иессее, / процветѣ бо корень твой; / отъ
бедра твоего, Иудо, приходитъ Господь, / по прорече-
нію Валаамову. / Видите, язѣцы, по великому
Исаии: / се родитъ Отроча Еммануила / Дѣва
Всечѣстая.**

На стиховне стихиры, глас 2.

Подобен: Дoме Евфрафов:

**Приближается Христосъ, / звезда предозаряетъ /
Небесное множество, / воинства приницаетъ / ум-
ныхъ силъ.**

**Стих: Богъ отъ юга придетъ / и Святый изъ горы
приосененныя чащи.**

**Радуйся, Вифлееме, / паствуяй наставъ, / Израиля
спасаяй, / не ктому мнѣ будеши, / во иудовыхъ
владыкахъ.**

**Стих: Господи, услышахъ слухъ Твой и убояхся; /
Господи, разумѣхъ дела Твоя и ужасохся.**

**Приидите, земнороднии, / со Ангелы и мы /
составимъ ликъ: / слава въ Вышнихъ / Богу возопиимъ.**

Слава, святѣя, глас 5. Византиево:


**Предпразднственный день днесь вочеловѣченія
Христа Бога / и всехвальныя мученицы праздникъ
совозсия Анастасіи: / се Дѣва въ Вифлеемъ
приближается / Младенца, пеленами повита, вос-
клонити въ яслехъ безсловесныхъ, / свободившаго ны
отъ древня клятвы / и спасающаго души наша.**

И ныне, предпразднства, глас тойже:

Не дряхлуй, Иосифе, зря Мою утробу: / узриши бо раждаемаго от Мене, и возрадуешься, / и яко Богу поклонишися, / Богородица глаголаше ко Своему обручнику, / хотящи родити Христа. / Сию воспойм, глаголюще: / радуйся, Обрадованная, с Тобю Господь / и Тебе ради с нами.

НА ЛИТУРГИИ

Блаженны предпразднства песнь 3-я и святыя песнь 6-я. Прокимен, глас 4: Дивен Бог во святых Своих, / Бог Израилев. Стих: В церквах благословите Бога, Господа от источник Израилевых. Апостол к Галатам, зачало 208. Аллилуйя, глас 1: Терпя, потерпех Господа, и внят ми. Евангелие от Луки, зачало 33. Причаштен: В память вечную:



Святая великомученица Анастасия Узорешительница († ок. 304) пострадала во время правления римского императора Диоклитиана (284—305). Родилась в Риме, в семье сенатора Претекстата. Отец — язычник, мать Фавста — тайная христианка, которая поручила воспитание маленькой девочки известному своей ученостью святому Хрисогону

(† ок. 304; память 22 декабря). Хрисогон учил Анастасию Священному Писанию и исполнению закона Божия. По окончании учения об Анастасии говорили как о мудрой и прекрасной девице. После смерти матери, не считаясь с желанием дочери, отец выдал ее замуж за язычника Помплия. Чтобы не нарушить обет девства и избежать супружеского ложа, Анастасия постоянно ссылалась на неизлечимую болезнь и сохраняла чистоту.

В темницах Рима в то время находилось много заключенных христиан. В нищенской одежде святая тайно посещала узников, — умывала и кормила больных, неспособных двигаться, перевязывала раны, утешала всех, кто нуждался в этом. Ее учитель и наставник два года томился в заключении. Встречаясь с ним, она назидалась его долготерпением и преданностью Спасителю. Муж святой Анастасии, Помпий, узнав об этом, жестоко избил ее, поместил в отдельной комнате и у дверей поставил стражу. Святая скорбела, что лишилась возможности помогать христианам. После смерти отца Анастасии Помпий, чтобы завладеть богатым наследством, постоянно истязал жену. Святая писала своему учителю: «Муж мой... томит меня как противницу его языческой веры в столь тяжком заключении, что мне ничего не остается, как только, предав дух Господу, упасть мертвою». В ответ

ном письме святой Хрисогон утешал мученицу: «Свету всегда предшествует тьма, и после болезни часто возвращается здоровье, и после смерти обещана нам жизнь». И предсказал скорую смерть ее мужа. Через некоторое время Помплия назначили послом к персидскому царю. По дороге в Персию он утонул во время внезапно начавшейся бури.

Теперь святая вновь могла посещать томившихся в темницах христиан, полученное наследство она употребляла на одежду, пищу и лекарства для больных. Святого Хрисогона отправили в Аквилею (город в верхней Италии) на суд к императору Диоклитиану, — Анастасия последовала за своим учителем. Тело святого Хрисогона после его мученической кончины, по Божественному откровению, было сокрыто пресвитером Зоилом. Через 30 дней после смерти святой Хрисогон явился Зоилу и предсказал о близкой кончине трех юных христианок, живших недалеко, — **Агапии**, **Хионии** и **Ирины** (†304; память 16 апреля). И повелел послать к ним святую Анастасию. Такое видение было и святой Анастасии. Она пошла к пресвитеру, помолилась у мощей святого Хрисогона, затем в духовной беседе укрепила мужество трех дев перед предстоящими им пытками. После кончины мучениц, сама похоронила их тела.

Святая Анастасия стала странствовать, чтобы везде, где только можно, служить христианам, заключенным в темницах. Так она получила дар врачевания. Трудами и словами утешения святая Анастасия облегчала заключение многих людей, попечением о телах и душах страждущих разрешала их от уз отчаяния, страха и беспомощности, поэтому и названа Узорешительницей. В Македонии святая познакомилась с молодой вдовой-христианкой Феодотией, которая помогала ей в благочестивых трудах.

Стало известно, что Анастасия — христианка, ее взяли под стражу и отвели к императору Диоклитиану. Расспросив Анастасию, Диоклитиан узнал, что она все свои средства истратила на помощь нуждающимся, а золотые, серебряные и медные статуэтки перелила на деньги и кормила многих голодных, одевала на-

гих, помогала немощным. Император приказал отвести святую к верховному жрецу Ульпиану, чтобы тот склонил ее к жертве языческим богам или предал жестокой казни. Жрец предложил святой Анастасии сделать выбор между богатыми дарами и орудиями пытки, положенными с двух сторон около нее. Святая, не колеблясь, указала на орудия пытки: «Окруженная этими предметами, я стану прекраснее и угоднее вожделенному Жениху моему — Христу...» Прежде, чем подвергнуть святую Анастасию пыткам, Ульпиан решил осквернить ее. Но, как только прикоснулся к ней, ослеп, страшная боль сжала ему голову, и через некоторое время он скончался. Святая Анастасия оказалась на свободе и вместе с Феодотией продолжала служить узникам. Вскоре святая **Феодотия** и три ее сына были преданы мученической смерти анфипатом (начальником области) Никитием в их родном городе Никее († ок. 304; память 29 июля и 22 декабря).

Святую Анастасию вторично заключили в темницу и 60 дней истязали голодом. Каждую ночь мученица являлась святая Феодотия, ободряла и укрепляла в терпении. Видя, что голод не причинил святой вреда, игемон Иллирии приказал утопить ее вместе с осужденными преступниками, среди которых был и гонимый за веру христианин **Евтихиан** († ок. 304; память 22 декабря). Воины посадили узников на корабль и вышли в открытое море. Далеко от берега они пересели в лодку, а в корабле сделали несколько пробоин, чтобы он затонул. Судно стало погружаться в воду, но узники увидели мученицу Феодотию, управлявшую парусами и направлявшую корабль к берегу. 120 человек, пораженные чудом, уверовали во Христа — святые Анастасия и Евтихиан крестили их. Узнав о случившемся, игемон приказал казнить всех новокрещеных. Святую Анастасию растянули над костром между четырьмя столбами. Так окончила свой мученический подвиг святая Анастасия Узорешительница.

Тело святой осталось невредимым, — похоронила его благочестивая христианка Аполлинария. По окончании гонений она построила над гробом святой великомученицы Анастасии церковь.